

## 第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿  
妙覺-普光明殿



## 六. 妙覺 – 普光明殿

力用	佛	佛不思議法品
	法	如來相海品
	僧	佛小相光明功德品
本體	僧	普賢菩薩行品
	法	寶王如來性起品
	佛	離世間品



## 華嚴經佛不思議法品之青蓮華藏菩薩說不思議法之一

菩薩念請 十不思議法		爾時，諸菩薩大會中，有諸菩薩作如是念：諸佛刹土不可思議，諸佛淨願不可思議，諸佛種姓不可思議，諸佛出世不可思議，諸佛法身不可思議，諸佛音聲不可思議，諸佛智慧不可思議，諸佛神力自在不可思議，諸佛無礙住不可思議，諸佛解脫不可思議。
世尊加持青 蓮華藏菩薩		爾時，世尊知諸菩薩心之所念，即與青蓮華菩薩：佛神力、佛智、佛辯、佛功德、佛無畏充滿其身，究竟一切諸佛法界與佛神力境界無障礙行，分別一切如來種性與不可數諸佛方便。
具足深行		爾時，青蓮華菩薩摩訶薩即入甚深無礙法界一切無礙法修菩薩行，成就普賢菩薩所願，隨順一切佛以大莊嚴而自莊嚴，大悲普觀一切眾生，欲令清淨；於一念中出生如來無量大智，成就如來無盡智門，成就一切諸陀羅尼諸辯光明普照一切。
總答前問 諸佛無量住		爾時，青蓮華菩薩承佛神力，告蓮華藏菩薩言：佛子！諸佛有無量無數清淨妙住，諸佛安住無量自在，諸佛於一切事未曾失時，一切諸佛悉皆平等轉淨法輪，諸佛四辯說無窮盡，一切佛法不可思議，一切諸佛清淨音聲無所不至，一切諸佛悉能分別無量法界，一切諸佛光明普照，一切諸佛所說皆入甚深法界。
自在法身		佛子！一切諸佛有十種法界無量無邊。何等為十？（第一法）
總說十種 （真諦不 思議法自 在法）	色身	一切諸佛色身清淨無量無邊，超出世間；
	眼	一切諸佛無礙眼無量無邊，清淨平等覺一切法；
	耳	一切諸佛無礙耳無量無邊，分別一切眾生音聲；
	鼻	一切諸佛鼻入無量無邊，清淨究竟，一切佛自在到於彼岸；
	舌	一切諸佛廣長舌相無量無邊，出妙音聲普聞法界；
	身	一切諸佛身業無量無邊，隨應眾生現如來身；
	意	一切諸佛意業無量無邊，三世無礙，法身清淨不可破壞；
	僧	一切諸佛無礙解脫法門無量無邊，示現無盡神力自在；
	法	一切諸佛於一切世界莊嚴佛刹無量無邊，以應眾生；
	佛	一切諸佛無量無邊，諸菩薩行及諸勝願自在神力皆悉滿足，悉能覺悟諸佛正法。
		佛子！是為一切諸佛十種法界無量無邊。
三百法		青蓮華藏菩薩依自性三寶說三百不思議法（結構見附33-1，經文見附33-2）
解脫境界		佛子！一切諸佛，有十種無礙解脫。何等為十？
總說十種 （俗諦不 思議法）	佛	一切諸佛，於一微塵中，悉能普現不可說不可說諸佛出世；
	法	一切諸佛，於一微塵中，悉能普現不可說不可說諸佛轉淨法輪；
	僧	一切諸佛，於一微塵中，教化調伏不可說不可說眾生；
	精進	一切諸佛，於一微塵中，普現不可說不可說佛刹；
	禪定	一切諸佛，於一微塵中，授不可說不可說菩薩記；
	般若	一切諸佛，於一微塵中，普現三世諸佛出世；
	方便	一切諸佛，於一微塵中，普現三世一切佛刹；
	願	一切諸佛，於一微塵中，普現三世諸佛自在神力；
	力	一切諸佛，於一微塵中，普現三世一切眾生；
	智	一切諸佛，於一微塵中，普現三世一切諸佛佛事。
		佛子！是為一切諸佛十種無礙解脫。

# 附33-1：華嚴經佛不思議法品之青蓮華藏菩薩說三百二十不思議法結構

法身總說		佛子！一切諸佛有十種法界無量無邊。
佛十波羅蜜百法	佛	佛子！一切諸佛於念念中，悉能出生十無盡智。
	法	佛子！一切諸佛有十種未曾失時。
	僧	佛子！一切諸佛有十種不可譬論不可思議境界。
	精進	佛子！一切諸佛於念念中，悉能出生十無盡智。
	禪定	佛子！一切諸佛有十種無量內法。
	般若	佛子！一切諸佛有十種甚深大法。
	方便	佛子！一切諸佛有十種功德離惡清淨。
	願	佛子！一切諸佛有十種究竟清淨。
	力	佛子！一切諸佛於一切世界、一切時有十種佛事。
	智	佛子！一切諸佛有十種無盡方便智慧大海。
法十波羅蜜百法	佛	佛子！一切諸佛有十種常法。
	法	佛子！一切諸佛有十種無量說佛法門。
	僧	佛子！一切諸佛有十種法，常為眾生而作佛事。
	精進	佛子！一切諸佛有十種堅固士法。
	禪定	佛子！一切諸佛有十種佛無障礙住。
	般若	佛子！一切諸佛有十種最勝無上莊嚴。
	方便	佛子！一切諸佛有十種自在正法。
	願	佛子！一切諸佛具足十種不思議法已成等正覺。
	力	佛子！一切諸佛有十種巧妙方便。
	智	佛子！一切諸佛，有十種佛事，無量無邊不可思議，一切天人，不能稱量，三世一切聲聞、緣覺所不能說，除佛神力。
僧十波羅蜜百法	佛	佛子！一切諸佛，有十種法王無異之法。
	法	佛子！一切諸佛，有向十種住法。
	僧	佛子！一切諸佛，知十種法，悉無有餘。
	精進	佛子！一切諸佛，有十種最勝力。
	禪定	佛子！一切諸佛，有十種大那羅延幢勇健法。
	般若	佛子！一切諸佛，有十種定法。
	方便	佛子！一切諸佛，有十種法，若有眾生，見如來者，皆悉疾得十種果報。
	願	佛子！一切諸佛，有十種清淨法，一切菩薩，應常正念。
	力	佛子！一切諸佛，有十種一切智住。
	智	佛子！一切諸佛，有十種無量不可思議三昧。
解脫總說		佛子！一切諸佛，有十種無礙解脫。

(返回第365頁)

附33-2：華嚴經佛不思議法品之青蓮華藏菩薩說三十二法之一

佛十波羅蜜百不思議法	佛波羅蜜十不思議法		佛子！一切諸佛於念念中，悉能出生十無盡智。何等為十？
		佛	於一念中悉現一切世界從兜率天命終；
		法	於一念中悉現一切世界菩薩出生；
		僧	於一念中悉現一切世界菩薩出家；
		精進	於一念中悉現一切世界，往詣道場菩提樹下成等正覺；
		禪定	於一念中悉現一切世界轉淨法輪；
		般若	於一念中悉現一切世界，隨應化導一切眾生悉令解脫；
		方便	於一念中悉於一切世界現莊嚴身，隨應眾生；
		願	於一念中悉現一切世界種種莊嚴，無數莊嚴，如來自在一切智藏；
		力	於一念中悉現一切世界清淨眾生；
		智	於一念中遍一切世界，悉現三世一切諸佛；
		總說	於一念中為種種諸根精進欲性故，顯現三世諸佛種姓，成等正覺，開導眾生。
	法波羅蜜十不思議法		佛子！是為一切諸佛於一念中生十種智。
			佛子！一切諸佛有十種未曾失時。何等為十？
		佛	一切諸佛成等正覺未曾失時；
		法	一切諸佛善根業報未曾失時；
		僧	一切諸佛授菩薩記未曾失時；
		精進	一切諸佛隨應眾生示現神力未曾失時；
		禪定	一切諸佛現如來身未曾失時；
		般若	一切諸佛悉行於捨未曾失時；
		方便	一切諸佛入城聚落未曾失時；
		願	一切諸佛攝取歡喜眾生未曾失時；
		力	一切諸佛於難化眾生而放捨之，為調伏故，未曾失時；
		智	一切諸佛示現不可思議自在神力未曾失時。
	僧波羅蜜十不思議法		佛子！是為一切諸佛十種未曾失時。
			佛子！一切諸佛有十種不可譬喻不可思議境界。何等為十？
		佛	一跏趺坐遍滿十方一切世界；
		法	一發言音悉能演說一切佛法；
		僧	放一光明悉能普照一切世界；
		精進	一身悉能現一切身；
		禪定	不離本處悉遍示現一切世間；
		般若	決定一法悉於諸法無所罣礙；
		方便	於一念中悉能充滿無餘世界；
		願	於一念中悉能示現諸佛功德；
		力	於一念中悉能示現一切三世佛；
		智	教化一切眾生而不捨離諸佛寂滅無二三昧。
			佛子！是為一切諸佛十種不可譬喻不可思議境界。

附33-2：華嚴經佛不思議法品之青蓮華藏菩薩說三十二法之二

佛十波羅蜜百不思議法	精進波羅蜜十不思議法		佛子！一切諸佛有十種出生住持智慧。何等為十？
		佛	一切諸法無所趣向而能出生清淨願智；
		法	一切諸法無身而能出生法身智慧；
		僧	一切諸法悉無有二而生正覺悟一切法；
		精進	一切諸法悉無有我、無有眾生，而能出生化眾生智；
		禪定	一切諸法悉無有相，而能出生種種相智；
		般若	一切世界悉無成敗，而能出生世成敗智；
		方便	一切諸法無有造者，而能出生業報智慧；
		願	一切諸法無可言說，而能出生說法界智；
		力	一切諸法無有垢淨，而能出生垢淨智慧；
		智	一切諸法無有生滅，而能出生緣起智慧。
	禪定波羅蜜十不思議法		佛子！是為一切諸佛十種出生住持智慧。
			佛子！一切諸佛有十種無量內法。何等為十？
		佛	一切諸佛內身清淨隨順三世；
		法	一切諸佛悉有三輪內法教化眾生；
		僧	一切諸佛悉有內深智慧陀羅尼分別一切佛法；
		精進	一切諸佛皆悉內有四辯法輪，於四眾中轉淨法輪；
		禪定	一切諸佛皆悉內有大慈大悲，悉能不捨一切眾生；
		般若	一切諸佛內常寂定，善觀眾生未曾失時；
		方便	一切諸佛皆悉內有巧妙善根調伏眾生；
		願	一切諸佛皆悉內有一切法界住、無礙住；
		力	一切諸佛內一念中，悉能示現三世諸佛出興於世；
		智	一切諸佛內有分別一切三世阿僧祇劫即是一日。
	般若波羅蜜十不思議法		佛子！是為一切諸佛十種無量內法。
			佛子！一切諸佛有十種甚深大法。何等為十？
		佛	一切諸佛悉能壞散一切諸魔；
		法	一切諸佛悉能降伏一切外道；
		僧	一切諸佛悉能應化一切眾生令其歡喜；
		精進	一切諸佛悉能往詣一切世界教化眾生；
		禪定	一切諸佛悉分別知甚深法界；
		般若	一切諸佛以種種身遍諸世界而無異身；
		方便	一切諸佛一一音聲具四種辯未曾斷絕；
		願	一切諸佛眾生見者，皆令歡喜利益不虛；
		力	一切諸佛一一毛孔，次第出生一切世界微塵等佛未曾斷絕，一切諸佛於一一微塵中，示現一切世界微塵等佛刹種種莊嚴，常轉法輪教化眾生未曾斷絕，而微塵不大、世界不小，決定了知安住法界；
		智	一切諸佛於一切法覺悟癡闇具足十力，廣為一切眾生說如實法除滅癡瞋。
			佛子！是為一切諸佛十種甚深大法。

附33-2：華嚴經佛不思議法品之青蓮華藏菩薩說三十二法之三

佛十波羅蜜百不思議法	方便波羅蜜十不思議法		佛子！一切諸佛有十種功德離惡清淨。何等為十？
		佛	一切諸佛本來修習一切功德離惡清淨；
		法	一切諸佛悉於三世如來家生離惡清淨；
		僧	一切諸佛於未來際心無所著離惡清淨；
		精進	一切諸佛不著一切三世諸法離惡清淨；
		禪定	一切諸佛離種種虛妄，以一莊嚴而自莊嚴離惡清淨；
		般若	一切諸佛功德無盡，安住法界等離惡清淨；
		方便	一切諸佛色身淨妙無量無邊，普現十方一切世界，教化眾生未曾失時離惡清淨；
		願	一切諸佛住四無畏離諸恐怖，於一切天人眾中大師子吼，廣說諸法令眾歡喜離惡清淨；
		力	不可說不可說劫中滅度諸佛，若有眾生聞其名者得大果報，如佛現在離惡清淨；
		智	一切諸佛遠在不可說不可說世界中住，若有眾生一心正念，彼諸如來即現在前離惡清淨。
			佛子！是為一切諸佛十種功德離惡清淨。
	願波羅蜜十不思議法		佛子！一切諸佛有十種究竟清淨。何等為十？
		佛	一切諸佛諸願究竟清淨，
		法	一切諸佛梵行禁戒究竟清淨，
		僧	一切諸佛悉得捨離優婆提究竟清淨，
		精進	一切諸佛佛剎究竟清淨，
		禪定	一切諸佛眷屬究竟清淨，
		般若	一切諸佛種姓究竟清淨，
		方便	一切諸佛色身相好究竟清淨，
		願	一切諸佛法身究竟清淨，
		力	一切諸佛無礙一切智身究竟清淨，
		智	一切諸佛解脫所作已作、永度彼岸究竟清淨。
			佛子！是為一切諸佛十種究竟清淨。
	力波羅蜜十不思議法		佛子！一切諸佛於一切世界、一切時有十種佛事。何等為十？
		佛	一切諸佛若有眾生正憶念者，即現在前；
		法	一切諸佛常為眾生說摩訶衍；
		僧	一切諸佛常能長養一切眾生無量善根；
		精進	一切諸佛若有眾生始離生死，入正法位，悉分別知；
		禪定	一切諸佛不捨眾生教化時會；
		般若	一切諸佛常遊一切世界無有障礙；
		方便	一切諸佛大悲常不捨離一切眾生；
		願	一切諸佛所變化身常不斷絕；
		力	一切諸佛自在神力未曾斷絕；
		智	一切諸佛普常安住清淨法界，悉為眾生而廣演說。
			佛子！是為一切諸佛於一切世界、一切時有十種佛事。

附33-2：華嚴經佛不思議法品之青蓮華藏菩薩說三十二法之四

佛十波羅蜜百不思議法	智波羅蜜十不思議法		佛子！一切諸佛有十種無盡方便智慧大海。何等為十？
		佛	一切諸佛法身無盡智慧大海；
		法	一切諸佛功德無盡智慧大海；
		僧	一切諸佛佛眼境界無盡智慧大海；
		精進	一切諸佛不可思議善根無盡智慧大海；
		禪定	一切諸佛行一切法無盡智慧大海；
		般若	一切諸佛雨甘露法無盡智慧大海；一切諸佛讚歎諸佛功德無盡智慧大海；
		方便	一切諸佛本願諸行無盡智慧大海；
		願	一切諸佛盡未來際，為一切眾生常作佛事，未曾休息，無有窮盡智慧大海；
		力	一切諸佛知眾生心心所行無盡智慧大海；
		智	一切諸佛出生一切智功德無盡智慧大海。
			佛子！是為一切諸佛十種無盡方便智慧大海。
法十波羅蜜百不思議法	佛波羅蜜十不思議法		佛子！一切諸佛有十種常法。何等為十？
		佛	一切諸佛常行一切諸波羅蜜，
		法	一切諸佛於一切法常離愚癡，
		僧	一切諸佛常具大悲，
		精進	一切諸佛常具無量十力，
		禪定	一切諸佛常轉無上法輪，
		般若	一切諸佛常度一切眾生，
		方便	一切諸佛常為眾生成等正覺，
		願	一切諸佛常應化度一切眾生，
		力	一切諸佛常行正念不二之法，
		智	一切諸佛常化眾生已、示現涅槃諸佛境界無有邊際。
			佛子！是為一切諸佛十種常法。
	法波羅蜜十不思議法		佛子！一切諸佛有十種無量說佛法門。何等為十？
		佛	一切諸佛悉說無量眾生界門；
		法	一切諸佛悉說無量眾生種種行門；
		僧	一切諸佛悉說眾生無量諸業報門；
		精進	一切諸佛悉說無量方便度眾生門；
		禪定	一切諸佛悉有無量淨眾行門；
		般若	一切諸佛悉有無量教化一切菩薩安立菩薩行門；
		方便	一切諸佛悉說無量菩薩勝妙願門；
		願	一切諸佛悉說無量世界諸成敗門；
		力	一切諸佛悉說無量清淨佛刹，一切菩薩正希望門；
		智	一切諸佛悉說無量一切世界，去、來、現在諸佛，無量劫中次第出世，善分別此佛智慧門。
			佛子！是為一切諸佛十種無量說佛法門。



附33-2：華嚴經佛不思議法品之青蓮華藏菩薩說三十二法之五

法十波羅蜜百不思議法	僧波羅蜜十不思議法		佛子！一切諸佛有十種法，常為眾生而作佛事。何等為十？
		佛	一切諸佛色身，常為眾生而作佛事；
		法	一切諸佛音聲，常為眾生而作佛事；
		僧	一切諸佛受施，常為眾生而作佛事；
		精進	一切諸佛不受施，常為眾生而作佛事；
		禪定	一切諸佛常以地、水、火、風而作佛事；
		般若	一切諸佛神力住持境界，常為眾生而作佛事；
		方便	一切諸佛常以名號，為諸眾生而作佛事；
		願	一切諸佛常以佛刹境界，普為眾生而作佛事；
		力	一切諸佛常以清淨佛刹，為諸眾生而作佛事；
		智	一切諸佛常以默然，為諸眾生而作佛事。
	精進波羅蜜十不思議法		佛子！是為一切諸佛十種法，常為眾生而作佛事。
			佛子！一切諸佛有十種堅固士法。何等為十？
		佛	一切諸佛諸願堅固不可沮壞，如說修行言行相應；
		法	一切諸佛盡未來際劫修菩薩行，功德莊嚴未曾恐怖；
		僧	一切諸佛為化一切眾生故，悉詣不可說不可說世界，而於一切世界教化眾生無有留難；
		精進	一切諸佛於信不信眾生大悲等觀而無有異；
		禪定	一切諸佛從初發心乃至正覺，於其中間未曾退失菩提之心；
		般若	一切諸佛修諸功德，皆悉迴向一切種智，不求世行；
		方便	一切諸佛於諸佛所，隨順修學身、口、意業，永離聲聞、緣覺之心，一向專求無上菩提，所修功德皆悉迴向一切種智，求無上道成等正覺；
		願	一切諸佛平等普照無量無邊諸佛正法，淨菩薩心究竟具足一切種智；
	禪定波羅蜜十不思議法	力	一切諸佛悉能捨離一切世樂，不樂世間所可願樂，不著世間，令一切眾生悉滅諸苦，逮得寂滅平等快樂；
		智	一切諸佛為一切眾生故，受無量苦，皆欲建立諸佛種性，悉令眾生樂求菩提，超出生死，得十力地。
			佛子！是為一切諸佛十種堅固士法。
			佛子！一切諸佛有十種佛無障礙住。何等為十？
		佛	一切諸佛悉能遍遊一切世界無障礙住；
		法	一切諸佛悉能安住一切世界無障礙住；
		僧	一切諸佛於一切世界行、住、坐、臥無障礙住；
		精進	一切諸佛於一切世界說法無障礙住；
		禪定	一切諸佛於一切世界皆悉安住兜率陀天無障礙住；
		般若	一切諸佛於三世法界無障礙住；
		方便	一切諸佛眷屬充滿一切法界而為說法無障礙住；
		願	一切諸佛於一念中，悉知一切眾生心心所行，以三輪教化而調伏之無障礙住；
		力	一切諸佛能以一身悉住一切諸佛不可思議法門無障礙住；
		智	一切諸佛悉分別知一切眾生無障礙住；一切諸佛悉能分別一切如來無障礙住。
			佛子！是為一切諸佛十種無障礙住。

附33-2：華嚴經佛不思議法品之青蓮華藏菩薩說三十二法之六

法十波羅蜜百不思議法	般若波羅蜜十不思議法		佛子！一切諸佛有十種最勝無上莊嚴。何等為十？
		佛	一切諸佛悉有色身相好最勝無上莊嚴，是為一切諸佛最勝無上色身莊嚴。
		法	一切諸佛悉有八種微妙音聲，一一音聲悉有五百妙音眷屬，不可稱數百千音聲以為莊嚴，無量無邊妙音聲皆悉清淨，普能演說一切諸佛正法義味，悉離恐怖，安住無畏大師子吼，悉令一切法界、一切眾生，聞其音聲隨其本行種種善根，皆令開解，是為一切諸佛最勝無上口業莊嚴。
		僧	一切諸佛悉有十力莊嚴意業，開敷諸佛大三昧華，十八不共莊嚴境界無所罣礙，住法界地悉得諸佛法之原底，無餘法界皆悉莊嚴，於一念中悉分別知三世一切法界、一切眾生心心所行而無有餘，是為一切諸佛最勝無上意業莊嚴。
		精進	一切諸佛悉有最勝無上光明莊嚴，皆悉普放大光明藏，一一光明悉有無數妙光明網以為眷屬，普照十方諸佛世界，除滅一切世間闇冥，現佛出世作不退轉最勝佛事，出生無量清淨法身，是為一切諸佛最勝無上光明莊嚴。
		禪定	一切諸佛若微笑時，悉於口中放不可數阿僧祇億那由他光，各有種種無量不可思議色，普照十方一切世界，悉授無量無數阿僧祇眾生阿耨多羅三藐三菩提記，是為一切諸佛最勝無上普照一切離癡示現莊嚴。
		般若	一切諸佛悉有無量法身，離礙清淨法界無量無邊，遠離世間，不染世間，不著世間，解世真實，行出世法，斷語言道，攝無言際，離陰、界、入，是為一切諸佛最勝無上法身莊嚴。
		方便	一切諸佛悉有無量常妙光明，普照十方一切世界，不可說不可說諸雜妙色而莊嚴之，普照世間無所障礙，出生一切光明之藏，是為一切諸佛最勝無上常光莊嚴。
		願	一切諸佛悉有無量妙色，悅樂妙色，清淨妙色，隨應一切眾生妙色，映蔽三界光明妙色，究竟彼岸無上妙色，是為一切諸佛最勝無上無量妙色莊嚴。
		力	一切諸佛自然清淨，三世佛寶聖家中生，離一切惡，修行一切清淨勝法，出生一切智，如來種姓清淨無礙，是為一切諸佛最勝無上清淨種姓莊嚴。
		智	一切諸佛大慈諸力莊嚴，其身自然清淨，遠離一切不善覺觀，身行永息，觀者無厭，心淨解脫，大悲具足，一切眾生第一福田無上受者，哀愍眾生普令安立一切種智，出生無量功德寶藏，一切眾生長養善根智慧功德之藏，是為一切諸佛最勝無上大慈大悲究竟功德寶藏清淨莊嚴。
			佛子！是為一切諸佛最勝無上十種莊嚴。
	方便波羅蜜十不思議法		佛子！一切諸佛有十種自在正法。何等為十？
		佛	一切諸佛於一切法隨意自在句身、味身，辯無窮盡，說一切法而無障礙，是為一切諸佛自在正法；
		法	一切諸佛隨應眾生，化不失時，隨其所願而為說法，未曾失時，是為一切諸佛自在正法；
		僧	一切諸佛悉能六種震動，十方世界未曾惱亂，於一眾生虛空等世界，無量阿僧祇種種莊嚴，或舉、或下、或合、或散於一一世界一一處所眾生，亦不惱亂眾生之心，亦不令其生疑惑想，是為一切諸佛自在正法；
		精進	一切諸佛能以智慧受持一切世界種種莊嚴，於一念中示現一切世界種種莊嚴，不可數不可數阿僧祇劫，歎莊嚴具而無窮盡，永離一切世界染污，莊嚴世間一切佛刹，是為一切諸佛自在正法；

附33-2：華嚴經佛不思議法品之青蓮華藏菩薩說三十二法之七

法十波羅蜜百不思議法	方便波羅蜜十不思議法	禪定	一切諸佛若見一眾生應受化者，於不可數不可數阿僧祇劫結跏趺坐，身不疲厭，專念彼人未曾廢忘而不失時，為一眾生住持壽命，盡未來際劫結跏趺坐，身無疲厭，念彼眾生未曾廢忘，如一眾生，一切眾生亦復如是，是為一切諸佛自在正法；
		般若	一切諸佛悉遍往詣一切世界諸如來所而無障礙，一一方面各有法界等世界海，一方無量世界網法界等一切世界海，於一念中悉能周遍轉妙法輪而無障礙，是為一切諸佛自在正法；
		方便	一切諸佛調伏教化一切眾生故，於念念中成等正覺，非不先覺諸佛正法，亦不住學地而成正覺，於諸佛法得無罣礙，不捨自在神力，無量智慧境界教化眾生，是為一切諸佛自在正法；
		願	一切諸佛能以眼入作耳入佛事，能以耳入作鼻入佛事，能以鼻入作舌入佛事，能以舌入作身入佛事，能以身入作意入佛事，能以意入於一切世界種種境界，世間境界，出世間境界，於一一境界能作佛事，是為一切諸佛自在正法；
		力	一切諸佛於一毛孔悉能安置一切眾生，一一眾生其身悉與不可說不可說諸佛刹等，於彼眾生而不迫迮，一一眾生悉壽無量阿僧祇劫，普能遊行無量世界，於諸世界見佛興世轉淨法輪，宣暢演說無數法門，廣說過去不可數法，未來、現在不可數法，一切眾生行四威儀而不迫迮，是為一切諸佛自在正法；
		智	一切諸佛於一念中現蓮華寶藏師子之座，如來淨身與法界等，處彼寶座成等正覺，示現如來自在神力，如一念中示現一如來成等正覺，於一念中示現一切世界微塵數如來成等正覺亦復如是。如一念中，於一切念中亦復如是。如蓮華寶藏師子之座示成正覺，如是一切不可說不可說法界等清淨佛刹不可思議種種莊嚴世界，種種境界，不可說佛刹，或有同相、或有異相，不可說阿僧祇劫說不能盡，無量諸佛種種念、種種時不可思議，於一念中，一切諸佛以少方便示現一切眾生亦復如是。
			佛子！是為一切諸佛十種自在正法。
	願波羅蜜十不思議法		佛子！一切諸佛具足十種不思議法已成等正覺。何等為十？
		佛	一切諸佛一一妙相百福悉具成等正覺，一切諸佛具足一切佛法成等正覺，
		法	一切諸佛具諸善根成等正覺，
		僧	一切諸佛具足修習諸功德行成等正覺，
		精進	一切諸佛善知眾生諸根熟已成等正覺，
		禪定	一切諸佛具足成就無壞勝法成等正覺，
		般若	一切諸佛具足嚴淨佛刹成等正覺，
		方便	一切諸佛具足一切種智成等正覺，
		願	一切諸佛色身相好滿足見者不虛成等正覺，
		力	一切諸佛悉具諸佛平等正法成等正覺；
		智	一切諸佛悉具一切諸佛事已，然後入於無餘涅槃。
			佛子！是為一切諸佛滿足十種不思議法成等正覺。

附33-2：華嚴經佛不思議法品之青蓮華藏菩薩說三十二法之八

法 十 波 羅 蜜 百 不 思 議 法	力 波 羅 蜜 十 不 思 議 法		佛子！一切諸佛有十種巧妙方便。何等為十？
		佛	一切諸佛悉知諸法無有究竟，而究竟說諸佛善根，是為一切諸佛巧妙方便；
		法	一切諸佛了一切法悉無所見，各不相知、無縛無脫、無取無集、無具足、無自在、無究竟，而一切佛於彼法中實知無異，離眾垢污，於一切法悉得自在，於無取法中不壞實際，善究竟學，大自在地，見一切法界，覺悟一切智，是為一切諸佛巧妙方便；
		僧	一切諸佛離諸相際，不住一切相，而分別知一切諸相，亦不亂自性，一切諸性無有自性，而能示現阿僧祇清淨色身種種嚴淨佛刹妙相，佛一切智具足，智身明淨，智燈除滅癡闇，普能示現一切眾生，是為一切諸佛巧妙方便；
		精進	一切諸佛知眾生際，非過去，非未來，非現在法界，亦非去、來、現在，如如實性，捨離虛妄，而能演說三世諸佛見一切佛平等境界，是為一切諸佛巧妙方便；
		禪定	一切諸佛身、口、意業無所造作，究竟無住，離諸數法，到於彼岸，而出生無量功德寶藏，分別演說世間、出世間法，具足成就無礙智慧，示現無量自在神力，度脫一切法界等眾生，是為一切諸佛巧妙方便；
		般若	一切諸佛悉知一切法無知無見、非一非異、非相非無相、非莊嚴非不莊嚴，一切諸法皆無自性、不生不滅，而於所有無所有法中，亦不壞世間法相，一切智人見人示現勝妙智慧，自在廣說一切諸法，而於如如亦不永滅，是為一切諸佛巧妙方便；
		方便	一切諸佛能於一時皆悉分別知一切時，不捨離生平等正法，一切時中皆所不攝，非晝非夜、非半月非一月、非一歲非百歲、非劫成非劫敗、非時不離時，而於無量時轉淨法輪，或須臾時、或於晝初中後時、或於夜初中後時、或於七日、一月、一歲、百歲，乃至不可思議阿僧祇劫時，乃至盡未來際劫、於一切時轉淨法輪未曾暫息，是為一切諸佛巧妙方便；
		願	一切諸佛知一切法界非時不離時，一切諸佛具足成就無量無畏，具足成就不可數辯、不可量辯、不可盡辯、不可壞辯、無邊辯、不共辯、無窮盡辯、真實辯，方便分別演說一切句身味身辯、一切法辯，隨性、隨根、隨行廣說諸法不可說不可說億那由他修多羅，彼諸一一修多羅，初中後善，究竟善說，是為一切諸佛巧妙方便；
		力	一切諸佛正覺法界，無名、無性、無三世名、無眾生名、無法名、無非法名、無功德名、無非功德名、無菩薩名、無佛名、無數名、無非數名、無生名、無滅名、非有名、非無名、非一名、非種種名，一切諸法自性無言，無方無處，捨離音聲，言語道斷，究竟彼岸，離虛妄境界修無形法，除滅一切覺觀虛妄，不著一切世間語言而能出生一切諸法句身、味身，是為一切諸佛巧妙方便；
		智	一切諸佛知一切法不生，無有受者，知色不生，受、想、行、識不生，一切諸法皆悉寂滅，無入無界法界，無所有而亦不壞一切法相，一切諸法無有起者，悉如虛空，一切法寂滅無有業報、無所學、無成就、無數、無非數、非有、非無、非生、非滅、非垢、非淨、無來、無去、亦無有住、無眾生、非無眾生、亦無教化、無命、非無命、無因緣、非無因緣、無緣起、非無緣起，而善分別正定、邪定、不定眾生，成就十力，四無所畏，一切種智，於大眾中大師子吼如來境界，是為一切諸佛巧妙方便。
			佛子！是為一切諸佛十種巧妙方便。

附33-2：華嚴經佛不思議法品之青蓮華藏菩薩說三十二法之九

法十波羅蜜百不思議法	智波羅蜜十不思議法		佛子！一切諸佛，有十種佛事，無量無邊不可思議，一切天人，不能稱量，三世一切聲聞、緣覺所不能說，除佛神力。何等為十？
		佛	一切諸佛，於無量無邊虛空、法界等一切世界兜率天上，修菩薩行而作佛事。無量妙色、無量功德、無量光明、無量音聲、無量清淨音聲、無量三昧、無量智慧境界，攝取天人、魔、梵、沙門、婆羅門、阿修羅等，一切世間，大慈境界，無礙大悲，安樂攝取眾生；或令生天，或令長養諸功德力，或令諸根清淨，或調伏其心，攝取眾生；或以清淨諸乘，攝取眾生；或以滿足大乘，攝取眾生；或離生死，攝取眾生。是為一切諸佛第一佛事。
		法	一切諸佛，從兜率天降神母胎，修菩薩行；觀諸有生如幻、如化、如電、如夢、如虛空、如焰，離一切諍，修真實智，離欲清淨，具足大莊嚴藏，於最後生而作佛事；安處妙寶莊嚴樓閣而作佛事：或以神力而作佛事、或以正念而作佛事、或以示現大自在藏而作佛事、或以圓滿慧日而作佛事、或以具足如來廣大境界而作佛事、或以化滿無量無邊世界諸佛而作佛事、或入無量無邊諸大三昧正受而作佛事、或復從彼諸三昧起而作佛事、
			或從初發心而作佛事、乃至無餘涅槃而作佛事。此第二地，究竟示現一切世間；或初生時，一切世間而作佛事；或童子時，一切世間而作佛事；或菩薩時，一切世間而作佛事；或出家時、或成佛時、或轉法輪時，一切世間而作佛事。種種方便，於一切無餘世界而作佛事、一切方網而作佛事、一切佛刹而作佛事、一切業報而作佛事，或於一切無餘眾生而作佛事，或於一切生死中，變化正念法門而作佛事。佛子！是為一切諸佛第二佛事。（凡十二種佛事，其最後二佛事，復各具十種佛事）
		僧	一切諸佛為菩薩時，於王宮中，成就一切清淨勝業，善能分別知一切生；隨順眾生，現處王宮，欲令一切善根具足，而不著一切色，離一切聲，觀一切有，皆悉寂滅；甚深智慧，入一切境界，持一切戒，清淨滿足。大悲觀察內諸眷屬，大慈觀察眾生空寂，大喜觀察世無可樂，大捨觀察心得自在；隨意能轉，究竟一切智，諸妙功德，出生法身，與法界等，清淨滿足而無染著。令一切眷屬，皆悉清淨，廣能為彼，如應說法，令厭世間；
			能說一切世間音聲，隨彼所行，示現果報；出生無量種種方便，隨其所應，調伏教化；善根未熟，悉令成熟；已成熟者，令得解脫；示現無量不退佛事，廣說種種法門，令無量眾生，心得清淨；興大悲重雲，普雨無量甘露法雨；大慈平等，三輪示現，教化眾生。雖處王宮，而普示現一切佛事；於一切世界，示現佛事，出生無礙諸佛神通，具足三種巧方便業，身、口二業究竟清淨，意業甚深究竟無礙，得巧方便，饒益眾生。佛子！是為一切諸佛第三佛事。
		精進	佛子！一切諸佛，世間珍玩，種種寶物，悉能眩惑動轉人心；菩薩悉棄，捨家出家，示現世間；欲令眾生，不著世間；解知磨滅，皆悉非常。捨離貪愛，行清淨法，饒益眾生，得出家利。示現世間，捨離俗服，修無諍法，滿足本願，無量功德，皆悉圓滿。智慧具足，除世愚癡，示現眾生，無上福田；若有眾生，於佛福田種善根者，讚歎其人，悉已具足一切功德，甚深智慧，了真實義。悉令眾生，得清淨樂，永離諸惡，清淨法門；廣為眾生說正法門，超出生死；為欲建立一切智幢故，捨家出家。佛子！是為一切諸佛第四佛事。

附33-2：華嚴經佛不思議法品之青蓮華藏菩薩說三十二法之十

法十波羅蜜百不思議法	智波羅蜜十不思議法	禪定	一切諸佛，修無量行，一向專求薩婆若；坐於道場菩提樹下，成等正覺，達一切法，壞散眾魔，不可破壞法身之藏；悉能充滿一切法界，離一切相，究竟無盡，具足成就無量法門。於一切智境界，自在隨順其義，積集成滿一切種智功德，莊嚴一切寶座，遍一切刹，諸大菩薩，悉處其座；成就菩薩無上眾行，具足菩薩殊勝大願；一切菩薩，常所敬念。為諸菩薩，轉深法輪；無量佛境界，攝取諸菩薩，修習莊嚴諸菩薩行；令菩薩眾，皆悉清淨一切世間諸佛境界；令一切眾生，修習善根，不可破壞一切善根；出真實地，安住無量菩薩行地，具足一切勝妙功德；悉分別知一切世界、一切眾生、一切佛刹、一切諸法、一切菩薩、一切成熟、一切三世、一切教化、一切佛自在覺、一切眾生性，而作佛事。佛子！是為一切諸佛第五佛事。
		般若	一切諸佛轉妙法輪，不退轉故；無量法輪，一切世間知故；一切覺法輪，無畏大師子吼故；知一切法藏法輪，開示顯現明淨法門，滅癡闇故；無著法輪，智慧等虛空故；無礙法輪，觀一切法，非有無故；一切世間燈法輪，淨一切眾生法眼故；示現一切智法輪，充滿三世一切世間故；一切諸佛同一法輪，一切佛法不相違故。如是等無量阿僧祇法輪，隨所應轉，施作佛事，不可思議。佛子！是為一切諸佛第六佛事。
		方便（十二種佛事）	一切諸佛，若入聚落、城邑、大王都城，能為眾生施作佛事；或入人王都城；或入天王、龍王、夜叉、乾闥婆、阿脩羅、迦樓羅、緊那羅、摩睺羅伽、羅刹、毘舍遮王；入如是等一切諸王都城時，能為眾生而作佛事，所謂：入城門時，一切大地，六種震動，光明普照，盲者得視，聾者得聽，狂者得止，裸者得衣，苦者得樂；一切樂器，不鼓自鳴，諸莊嚴具，自然演出微妙音聲；如是等物，亦自然出微妙音聲。
			一切諸佛，色身清淨，見者無厭，普為眾生而作佛事；
			一切諸佛，相好莊嚴，普為眾生而作佛事；
			一切諸佛，視瞻安詳，未曾卒疾，觀察諸方，不失威儀，於一切境界，諸根寂定，攝心不亂，直趣涅槃，普為眾生而作佛事；
			一切諸佛，行四威儀，普為眾生而作佛事；
			一切諸佛，或以說法，或以默然，普為眾生而作佛事；
			一切諸佛，或以神足，說法教誡，普為眾生而作佛事；
			一切諸佛，為一切世界海中，種種眾生海，修大善根，念佛三昧，行菩薩行，觀察諸佛，無有厭足；或說佛興，難可值遇；見如來已，出生無量一切善法，修習功德，行諸佛行，佛出世間，令眾生淨，讚歎諸佛無量功德，長養未來諸佛種姓，修一切善根，令諸佛歡喜，解知如來無量妙色，隨所應化，普能現前，令不可思議眾生，於諸佛刹，得見如來；一切諸佛，以如是等無量善根，普為眾生而作佛事；
			彼諸眾生，或有見佛歡喜、或有禮拜、或有合掌、或有讚歎、或有請佛、或有受施、或見佛微笑、或有念佛、或見佛悅樂，普為眾生而作佛事。
			一切諸佛，能以無量種種色身，示現眾生而作佛事；
			一切諸佛，以妙音聲，普為眾生而作佛事；
			一切諸佛，以如是等無量無數不思議事，普為眾生而作佛事。於一切世界中，一切眾生，悉教化之，令不退轉；大悲充滿，不捨本願，具足成就一切智力，隨所應化，悉令調伏。
			佛子！是為一切諸佛第七佛事。

附33-2：華嚴經佛不思議法品之青蓮華藏菩薩說三十二法之十一

法 十 波 羅 蜜 百 不 思 議 法	智 波 羅 蜜 十 不 思 議 法	願	一切諸佛，或住阿練若處、或寂靜處、或離欲處而作佛事，或住佛住而作佛事，或住大三昧而作佛事，或住獨處而作佛事，或不現身而作佛事，或住深智而作佛事，或住不可稱量諸佛境界而作佛事，或隨所應而作佛事，或以天身境界而作佛事，或以天、龍、迦樓羅、緊那羅、摩睺羅伽、羅刹、人、非人等一切境界而作佛事，
			或以聲聞、緣覺、菩薩境界而作佛事，或以說法而作佛事，或以默然而作佛事，或說世間有一佛而作佛事，或說世間有一切諸佛而作佛事，或說一切菩薩無量願、無量行為一而作佛事，或說一行一願為無量而作佛事，或說世間境界為如來境界，或說如來境界為世間境界，或說非境界為如來境界而作佛事；或住一日、或住一夜、或住半月、一月、一歲，乃至住無量無數阿僧祇劫而作佛事。佛子！是為一切諸佛第八佛事。
		力	一切諸佛即是無盡功德之藏，能令眾生發深信心，具足清淨，隨其所應，悉能化度，諸根具足，調伏眾生，悉令歡喜；化一切眾生，以真實道，覺悟一切諸菩薩眾；未發菩提心者，皆令發心；已發心者，令具智慧，悟不由他；
			或現涅槃而作佛事、或現世間無常而作佛事、或讚歎法身清淨而作佛事、或說所作已辦而作佛事、或說壞一切有而作佛事、或說三有根本永盡而作佛事，
			或教眾生厭離世間隨順佛心，或為眾生說壽命短促，或為眾生說一切世間無可樂者，或為眾生說值未來一切諸佛，或為眾生說諸如來轉妙法輪，或發眾生佛境界心，或說隨時清淨念佛，得見如來。滅除眾苦，皆令清淨，專求佛道。於一切世界，攝取眾生，令入如來甚深境界。以如來身為一切身，攝取眾生，放逸眾生，悉令具足三種淨戒。
			佛子！是為一切諸佛第九佛事。
		智	一切諸佛，般涅槃時，一切眾生，悲泣雨淚，憂惱愁毒。嗚呼痛哉！如來、應供、等正覺，常以大悲，等念眾生；為大導師，哀愍饒益一切眾生，救護世間；天人所歸，難可值遇，無上福田，於今永滅；諸佛即以此等眾生，憂苦悲惱，感慕諸佛而作佛事。
			隨應化彼，一切天人、龍神、夜叉、乾闥婆、阿修羅、迦樓羅、緊那羅、摩睺羅伽等故，碎末全身，示現舍利，欲令眾生，歡喜供養，淨正直心，調伏教化，清淨眾生；欲令眾生，功德滿足；欲令眾生，起如來塔，種種供養。一切世間，天宮、龍宮、夜叉、乾闥婆、阿修羅、迦樓羅、緊那羅、摩睺羅伽、人、非人宮，起塔供養；
			又以爪牙頭髮，起塔供養。眾生見已，念佛、法、僧，發起恭敬供養之心，或行布施，或修功德。具功德已，或生天上，或生人中，尊貴富樂，除滅惡趣，直向正道，得見諸佛；具白淨法，成就正道，超出三界，隨彼所願，皆悉滿足。
			常念如來，知恩、報恩；以諸如來，常為眾生作救護，歸依如來；雖復入於涅槃，猶為眾生作無上福田，無盡福田；令一切眾生，長養善根，具足成就一切功德。佛子！是為一切諸佛第十佛事。
		結會	佛子！此十種佛事，無量無邊不可思議，一切天人，莫能知者，三世一切聲聞、緣覺所不能說，除佛神力。

附33-2：華嚴經佛不思議法品之青蓮華藏菩薩說三十二法之十二

僧十波羅蜜百不思議法	佛波羅蜜十不思議法		佛子！一切諸佛，有十種法王無異之法。何等為十？
		佛	一切諸佛，與授記者，言無有異；
		法	一切諸佛，若有眾生，修念佛者，皆令意滿，悉無有異；
		僧	一切諸佛，皆無異身，覺諸法義，悉無有異；
		精進	一切諸佛，於三世如來，智慧無異；
		禪定	一切諸佛，念念普知三世諸法，悉無有異；
		般若	一切諸佛，了知分別三世佛刹，悉無有異；
		方便	一切諸佛，一切佛語，悉無有異；
		願	一切諸佛，教化眾生，悉無有異；
		力	一切諸佛，解一切世間法與佛法無異；
		智	三世諸佛，一切善根同一善根，悉無有異。
			佛子！是為一切諸佛十種法王無異之法。
	法波羅蜜十不思議法		佛子！一切諸佛，有向十種住法。何等為十？
		佛	一切諸佛，悉住覺一切法界；
		法	一切諸佛，悉住大悲；
		僧	一切諸佛，悉住本願；
		精進	一切諸佛，悉住不捨教化眾生；
		禪定	一切諸佛，悉住無所依法；
		般若	一切諸佛，悉住無虛妄法；
		方便	一切諸佛，悉住念無失法；
		願	一切諸佛，悉住無障礙心；
		力	一切諸佛，悉住定心，未曾散亂；
		智	一切諸佛，悉住一切諸法平等，不壞實際。
			佛子！是為一切諸佛向十種住法。
	僧波羅蜜十不思議法		佛子！一切諸佛，知十種法，悉無有餘。何等為十？
		佛	一切諸佛，知過去一切法界，悉無有餘；（知所從來）
		法	一切諸佛，知未來一切法界，悉無有餘；（知所去向）
		僧	一切諸佛，知現在一切法界，悉無有餘；（知所顯現）
		精進	一切諸佛，知一切語言道，悉無有餘；
		禪定	一切諸佛，知一切世間成壞，悉無有餘；
		般若	一切諸佛，知一切眾生及其智慧，悉無有餘；
		方便	一切諸佛，知一切菩薩善根上、中、下相，悉無有餘；
		願	一切諸佛，知一切佛滿足智慧，悉無有餘；
		力	一切諸佛，知一切法皆從緣起，悉無有餘；
		智	一切諸佛，分別了知一切世界，悉無有餘；
		總說	一切諸佛，智慧分別一切法界如因陀羅網，悉無有餘。
			佛子！是為一切諸佛知十種法，悉無有餘。



附33-2：華嚴經佛不思議法品之青蓮華藏菩薩說三十二法之十三

僧十波羅蜜百不思議法	精進波羅蜜十不思議法		佛子！一切諸佛，有十種最勝力：
		佛	大力、
		法	無量力、
		僧	大功德力、
		精進	尊重力、
		禪定	不退轉力、
		般若	堅固力、
		方便	不可壞力、
		願	一切世間不能思議力、
		力	一切眾生不能壞力、
		智	大力。
	禪定波羅蜜十不思議法		佛子！一切諸佛，有十種大那羅延幢勇健法。何者為十？所謂：
		佛	一切佛身，舉世災橫，所不能壞；諸佛命根，世間諸毒，所不能害；一切世界，火劫起時，不能燒熱；水劫起時，不能浸溺；風劫起時，不能散壞。一切魔軍、天、龍、夜叉、乾闥婆、阿修羅、迦樓羅、緊那羅、摩睺羅伽、羅刹、毘舍遮、人、非人等，一切眾生，悉雨金剛，如須彌山金剛圍山，三千大千世界，爾所等雨，雨於佛上，不能令佛生怖畏心，一毛不豎，行、住、坐、臥，威儀不改；隨諸如來，所住方面，金剛雨滄，終不得下，欲雨不雨，隨如來意。佛所住持眾生及佛使命，尚不可害，何況如來？佛子！是為一切諸佛第一大力那羅延幢佛所住法。
		法	佛子！一切諸佛，一切法界等世界中，須彌山王、金剛圍山、大金剛圍山，一切大海，一切諸山，及一切眾生，於一毛孔，悉能容持；盡未來際劫，一切眾生，悉不自知我住何所，除佛神力，一毛悉持一切眾生；遍遊十方無量世界，行、住、坐、臥，而諸如來不生苦惱厭倦之心，威儀無異。
			佛子！譬如虛空，容持一切法界等世界，不生苦惱厭倦之心；一切諸佛亦復如是，於一毛孔，容持無餘世界一切眾生，不生苦惱厭倦之心。佛子！是為一切諸佛第二大力那羅延幢佛所住法。
		僧	佛子！一切諸佛，一步能過不可說不可說世界微塵等佛刹；於一念中，能行不可說不可說世界微塵等步。以如是步，經一切世界微塵等劫，於念念中，能經一切世界微塵等劫。一金剛圍山，與上諸劫所經世界微塵佛刹等；如是等不可說不可說世界微塵數，諸金剛圍山內一毛孔，一切毛孔，亦復如是。
			如來毛孔，悉與一切眾生毛孔數等；以如是毛孔，如是遠步，如是速疾，遊行十方一切世界，一切虛空界，盡過去、未來際一切諸劫；如是諸劫，猶可窮盡，而諸如來身無羸弊，心不退沒，不捨三昧一切佛事。佛子！是為一切諸佛第三大力那羅延幢佛所住法。
		精進	佛子！一切諸佛，一食，結跏趺坐，盡過去、未來際不可說不可說一切劫，身不傾動，住不思議佛住，受寂滅樂，乃至不失化一眾生。以一切世界，及一切眾生，安置如來一指端上，盡未來際劫；彼一一眾生，其身悉如不可說不可說佛刹微塵等世界；彼一一眾生，其身重如一切世界，而諸如來，身無疲倦，心無苦惱。如一指端，一切指端，亦復如是；

附33-2：華嚴經佛不思議法品之青蓮華藏菩薩說三十二法之十四

僧十波羅蜜百不思議法	禪定波羅蜜十不思議法	精進	入一一世界，入虛空界，入一切方網，如是一切處虛空界，悉無有餘，究竟法界；以一毛端，量一切世界；一一毛端處，結跏趺坐，盡過去、未來際劫。佛子！是為一切諸佛第四大力那羅延幢佛所住法。
		禪定	佛子！一切諸佛，於一身化不可說不可說佛刹微塵等頭；一一頭，化不可說不可說佛刹微塵等舌；一一舌，出不可說不可說佛刹微塵等音聲，一切法界眾生，無不聞者；一一音聲，說不可說不可說佛刹微塵等修多羅；一一修多羅，說不可說不可說佛刹微塵等法；一一法中，說不可說不可說佛刹微塵等句身、味身。
			如是說法，乃至盡不可說不可說佛刹微塵等劫，復不可說不可說佛刹微塵等劫，說異句身、味身，盡一切世界微塵等劫，一切眾生念等劫，盡未來際一切劫，此諸劫數，猶可得盡。如來化身說法，轉一切法，猶如火輪，自在智慧，說一切法；（依禪定波羅蜜出生無量身、於無量刹、演說無量修多羅中無量義）
			轉正法輪，除滅一切眾生疑惑；轉正法輪，照一切法；轉正法輪，皆悉開發一切法藏；轉正法輪，歡喜調伏，莊嚴一切眾生；轉正法輪，說諸菩薩莊嚴法行；轉正法輪，令大乘智日，圓滿莊嚴；轉正法輪，令一切無餘眾生，以大乘智而自莊嚴；轉正法輪，一切諸辯無畏而自莊嚴。
			如一如來一化身，轉如是等不可譬喻法輪雲，一切法界、虛空界等世界，悉以毛端周遍度量；一一毛端處，於念念中，化不可說不可說佛刹微塵等身，乃至盡未來際劫，一一化佛身，有不可說不可說佛刹微塵等頭；一一頭，有不可說不可說佛刹微塵等舌；一一舌，出不可說不可說佛刹微塵等音聲；一一音聲，說不可說不可說佛刹微塵等修多羅；一一修多羅，說不可說不可說佛刹微塵等法；一一法中，說不可說不可說佛刹微塵等句身、味身；（十方世界悉亦如是）
			復不可說不可說佛刹微塵等劫，說異句身、味身，音聲充滿法界，一切眾生，無不聞者；盡一切未來際劫，常轉法輪，如來音聲，無異無斷，不可窮盡。佛子！是為一切諸佛第五大力那羅延幢佛所住法。
		般若	佛子！一切諸佛，成就勝妙大莊嚴，胸德字相，猶如金剛，不可破壞。如來坐彼菩提樹下，有無量化魔王軍眾，悉與一切眾生數等，雜惡形色，甚可怖畏，能發狂亂，悉能恐怖一切世間；如是等眾，充滿虛空、法界等一切世界，雜惡形色，甚可怖畏，能發狂亂，能令一切眾生怖畏，能壞一切世間，能害一切眾生。
			如來見已心無恐怖，一毛不豎，顏無異容，乃至不生一念微畏之相，心安不動，形色無異，遠離覺觀，心常寂靜，究竟遠離一切恐怖，除滅一切愛恚煩惱；安住佛住，具足無礙大慈之力，住大悲住，諸根寂靜，永離恐怖；胸德字相，不可破壞，堅固真實。一切諸魔、魔天眷屬，見如來已，皆悉歸依。
			如來於彼三輪教化，皆令調伏，發菩提心，悉不退轉，乃至令得無上菩提。佛子！是為一切諸佛第六大力那羅延幢佛所住法。
		方便	佛子！一切諸佛，出無障礙微妙音聲，皆悉充滿一切世界，隨所應度，無不聞者。彼諸如來所出音聲，一切眾山，所不能障；須彌山王、寶山、小金剛圍山、大金剛圍山，所不能障；天宮、龍宮，夜叉、乾闥婆、阿修羅、迦樓羅、緊那羅、摩睺羅伽、人、非人等，一切宮殿，所不能障；一切世界高大音聲，亦不能障；隨其所應，皆悉聞之，無所障礙。佛子！是為一切諸佛第七大力那羅延幢佛所住法。（依禪定波羅蜜成就）

附33-2：華嚴經佛不思議法品之青蓮華藏菩薩說三十二法之十五

僧十波羅蜜百不思議法	願	佛子！一切諸佛，心無障礙，於不可說不可說億那由他劫，心常清淨。三世諸佛，離垢清淨，同一莊嚴，離我、我所，於一切法，亦無所依，非內、非外，非生、非不生；離一切境界，寂滅無處，無所造作；離種種相，除滅一切虛妄取相，自然清淨；離諸境界，無所憶念，隨順境界無諍之法；離欲清淨，住真實際，說法界際，法界平等而無有盡，一切眾生，莫能知者。永離一切有為、無為，捨離一切言語道境界，究竟無礙無盡法界；隨智慧轉十力莊嚴，淨一切法，行巧方便；說種種法相即一法相，一切法相，不相違背；
		不壞三世於一切法界，究竟自在，到於彼岸；具足甚深自在法藏，一切方便；離癡正念，安住十方一切佛刹而無動轉；具不死智，盡一切漏，究竟諸法，證於無漏；心慧解脫，究竟實際，住無礙住，常定無亂；於三世法，無有障礙；於一念中，悉了三世一切眾生心心所行。佛子！是為一切諸佛第八大力那羅延幢佛所住法。
	力	佛子！一切諸佛，具足成就細密法身，諸佛法身，境界無量。一切世間，所不能知，於三界中，無所染污，隨因緣應，一切普現。非實、非虛，平等清淨，非去、非來，無為、無壞，清淨常住；一相、無相，是法身相，非處、非方，一切身身，自在無量，妙色無量，攝一切身，作種種身，隨方便身，普照一切，具足智藏，而無種種分別。
		其身充滿無餘世界，說一切法界，雖動非動，清淨法身，非有、非無，非方便、非不方便，隨眾生所應，悉能示現；非滅、非不滅，亦非不現，而化眾生；一切功德寶所起之身，一切法佛法起，如如法身自然寂靜。於一切法，無所障礙，隨順一切法界，清淨一切世間，分別一切世間，無有動轉，無有境界，如來解脫，攝一切智，隨順一切身。佛子！是為一切諸佛第九大力那羅延幢佛所住法。
	智	佛子！一切諸佛，正覺悉等，出生一切諸菩薩行，所行不虛，滿足深願，淨菩薩行，具足一切菩薩行智。一切諸佛，修菩薩行，悉無有異，善分別知一切菩薩行，滿足菩薩諸大願海，離一切惡，生諸善行，修菩薩行，皆悉清淨。隨順一切佛，寂然不放逸，住一切三昧無量境界，能教一切勝道，遠離一切惡道；究竟彼岸，具足成就第一智力；雨無畏法雨，隨其所問，悉能善答，方便說法，智慧平等，周遍清淨，身、口、意業，皆悉清淨。
		住諸佛住，諸佛種姓，佛智所作，悉不退轉，一切種智，分別無量無邊諸住，一切智明，隨順智慧，不可思議，一切世間所不能解。智慧明淨，知一切法，微細智慧，無量無邊，善能分別一切三世；智慧微妙，覺悟一切世界，具足了知無上道義，於一切世間，作不可說佛事；智慧不退，成就一切諸如來身，入算數智，決定了知一切諸法，捨離文字，言語道斷，而善能說一切文字，行淨善法，滿普賢智。
		於一念中，悉能覺了一切諸法，隨淨眾生，隨所應乘，悉能法施；以明淨智，解一切法境界，一切世界境界，一切眾生境界。於一念中，悉能知見三世法界，一切如來出世境界，一切教化境界，未曾失時，至於一切清淨境界，覺一切境界，皆悉究竟。
		於一念中，覺悟三世眾生，心、意、識、行，諸佛平等；眾生無邊、世界無邊、法界無邊、三世無邊、一切諸佛自在無邊，覺如是等，無有障礙。諸佛智慧，諸佛自在，轉無量無邊諸佛所住，住無礙住，無礙心住，住大悲住，廣說深法，教化眾生，心無休息。是為一切諸佛第十大力那羅延幢佛所住法。
		佛子！是為一切諸佛十種大力那羅延幢佛所住法，無量無邊，不可思議，三世一切眾生，聲聞、緣覺，皆不能知，除佛神力。

附33-2：華嚴經佛不思議法品之青蓮華藏菩薩說三十二法之十六

僧十波羅蜜百不思議法	般若波羅蜜十不思議法		佛子！一切諸佛，有十種定法。何等為十？
		八相成道	一切諸佛，定於兜率天，盡其壽命；
			一切諸佛，定示現處胎，滿十月生；
			一切諸佛，定捨宮館，樂行出家；
			一切諸佛，定坐菩提樹下，覺一切法；
		禪定	一切諸佛，定一念中，覺一切佛法，於一切世界，普現如來神力自在；
		般若	一切諸佛，定隨時教化，轉正法輪；
		方便	一切諸佛，定知隨時種諸善根，為彼授記；
		願	一切諸佛，定隨應時，不失佛事；
		力	一切諸佛，定知菩薩功德具足，而為授記；
		智	一切諸佛，定隨眾生一切問難，於一念中，悉能善答。
			佛子！是為一切諸佛十種定法。
	方便波羅蜜十不思議法		佛子！一切諸佛，有十種法，若有眾生，見如來者，皆悉疾得十種果報。何等為十？
		佛	若有眾生，見如來者，疾得遠離一切惡道；
		法	若有眾生，見如來者，疾得長養一切善根；
		僧	若有眾生，見如來者，疾得滿足一切善根；
		精進	若有眾生，見如來者，疾得往生淨妙天上；
		禪定	若有眾生，見如來者，疾得除滅一切疑惑；
		般若	若有眾生，見如來者，已發菩提心者疾得不退轉，未發心者速發阿耨多羅三藐三菩提心；
		方便	若有眾生，見如來者，未得離生聖道，除滅有見，速令正取離生聖道；
		願	若有眾生，見如來者，速令清淨世間、離世間一切諸根；
		力	若有眾生，見如來者，疾得除滅一切障礙；
		智	若有眾生，見如來者，疾得無畏不斷辯才。
			佛子！是為一切諸佛，眾生見者，皆悉疾得十種果報。
	願波羅蜜十不思議法		佛子！一切諸佛，有十種清淨法，一切菩薩，應常正念。何等為十？
		佛	一切諸佛，過去方便，一切菩薩應常正念；
		法	一切諸佛，清淨妙行，一切菩薩應常正念；
		僧	一切諸佛，滿足波羅蜜，一切菩薩應常正念；
		精進	一切諸佛，滿足大願，一切菩薩應常正念；
		禪定	一切諸佛，功德積聚，一切菩薩應常正念；
		般若	一切諸佛，過去梵行，一切菩薩應常正念；
		方便	一切諸佛，成等正覺，一切菩薩應常正念；
		願	一切諸佛，色身無量無邊，一切菩薩應常正念；
		力	一切諸佛，無量無邊神力境界，一切菩薩應常正念；
		智	一切諸佛，十力無畏，一切菩薩應常正念。
			佛子！是為一切諸佛十種清淨法，一切菩薩應常正念。

附33-2：華嚴經佛不思議法品之青蓮華藏菩薩說三十二法之十七

僧十波羅蜜百法	力波羅蜜十不思議法		佛子！一切諸佛，有十種一切智住。何等為十？
		佛	一切諸佛，於一念中，悉知一切法界三世一切眾生心心所行；
		法	一切諸佛，於一念中，悉善分別三世一切眾生種種業報；
		僧	一切諸佛，於一念中，隨一切眾生所應度者，或以神足，或以教誡，或以說法，而教化之；
		精進	一切諸佛，於一念中，悉能善取一切法界十方眾生諸心心相，示現一切世間如來出世；
		禪定	一切諸佛，於一念中，隨一切法界中一切眾生，希望欲性，所應化度，令見如來；
		般若	一切諸佛，於一念中，示現一切法界中一切眾生，如來住持神力自在；
		方便	一切諸佛，為一切法界中一切眾生，說一切佛，離諸熾然，隨其所應，化度眾生；
		願	一切諸佛，於一念中，以一切至處道，悉知一切法界中一切眾生彼彼諸趣；
		力	一切諸佛，於一念中，一切法界中，一切方處，一切眾生，念如來者，悉令得見；
		智	一切諸佛，於一念中，隨一切法界中眾生心之所樂，如來形色，悉令得見。
			佛子！是為一切諸佛十種一切智住。
	智波羅蜜十不思議法		佛子！一切諸佛，有十種無量不可思議三昧。何等為十？
		佛	一切諸佛，於一切法，常定不亂，於一念中，為一切眾生，說一切法；
		法	一切諸佛，於一切法界、一切眾生，常定不亂，於一念中，悉為眾生分別演說無我實際；
		僧	一切諸佛，於一切法界、三世諸法，常定不亂，於一念中，入億三昧；
		精進	一切諸佛，於一切法界，十方佛刹，常定不亂，於一念中，悉遍遊行一切佛刹；
		禪定	一切諸佛，於一切法界，普現無量無邊佛種種身，常定不亂，於一念中，一切世界，無不遍現；
		般若	一切諸佛，身、口、意業，充滿一切法界，常定不亂，於一念中，分別演說一切眾生，心藏欲性；
		方便	一切諸佛，於一切法界，一切法性，常定不亂，於一念中，悉能究竟離欲實際；
		願	一切諸佛，於一切法界，一切世界緣起，常定不亂，於一念中，分別演說一切因緣；
		力	一切諸佛，於一切法界，一切世間、離世間法，常定不亂，於一念中，無量莊嚴，為一切眾生普現諸佛，無有窮盡；
		智	一切諸佛，於一切眾生，一切法界，正受無礙，常定不亂，於一念中，至諸佛趣，無量解脫，究竟彼岸。
			佛子！是為一切諸佛十種無量無邊不可思議三昧。

(返回第365頁)